


地 280.219

39

屏山縣續志

代
信



民國二十年鑄

屏山縣續志

續修屏山縣志序

邑志成於乾隆四十三年維時

國家隆盛如日麗中天前縣令張公會敏取民版民數會計之因集縣中地理山川人物田賦學校祀典以及古今之沿革政治之得失悉心參稽編輯勒爲成書上之



天府固足備朝章之採納垂一邑之信史矣厥後歷二十年至嘉慶初元青浦金公維熙和州敬公大科先後來宰斯邑留心時事續有編輯今攷其志寥寥數頁於縣治無所發明十九年任武威張公澍具剡天之才名專家之學作蜀典規鏡省志而於縣志闕焉未講邑士人至今惜之自是而後百餘年間風俗隨世運爲隆汗條教視時事爲因革化裁變通不無事蹟之可紀獨以地圍邊徼人乏通才鮮有記載光緒七年署縣令貴筑張公繼曾亟聘名宿宜賓邱晉成編纂凡爲志稿二十餘卷意欲刊落舊志裒輯新稿都爲一編以示信今而傳後旋因卸篆未果後數年山左譚公酉慶接任適

朝廷開會典館飭下各省府州縣測繪輿圖編輯志乘進呈以備一代之掌故會修府志遂以邱稿附入而縣志仍闕二十三年章蒞任檢閱志稿汜濫無當其可採輯者十不過一二

屏山縣續志

卷首序

文華印字館代印

又以斯年夷務煩興未遑派士人採訪越明年升任涪州迫於瓜代不忍邑事之再湮乃僅據志稿及府志又訪得邑明經聶生培庠志稿與邑已沒文生彭應芳筆記裁以己意手次而編輯之其未逮者則商聶生培庠與門人黔江拔貢陳生藩垣先曾與修黔江志者主稿剡日續修即鳩邑廩生聶炳惠增生聶繩熙監生聶炳炅三人繕寫不匝月而稿成凡前志所有者不載其乾隆四十二年以來已事悉搜輯靡遺爲上下二卷上表下志據事直書辨正較詳第以速成掛漏必多去任期促不克鐫板就正於都人士後之蒞斯土者能延名賢合舊志融會而筆削之以是爲嚆矢焉可以是以爲贗本焉亦無不可光緒二十四年歲在著雍闍茂如月知縣事山右張九章敘

續編原序

邑之有志如國之有史史必歷代而成志則隨時以輯然其事非良有司之興舉不能屏邑舊無志有之自桐城張公始其言曰惟其實不惟其華取其嚴不取其濫傳其信不傳其疑之數語者得史之要既成段太守見而稱之曰切要獨詳豈誣矣哉第於乾隆丙申已前瞭如指掌邇來秩官之推遷科目之選舉以及人物之表著接踵而起若非續而編之將前者昭昭後者冥冥能無太息於缺略乎青浦金公之來蒞茲土也於城垣壇廟靡不整飭置學田慨然捐俸辦軍務毫不染指鄰封漢夷騷動竟以單騎撫綏民皆安堵其政績之令人稱頌不衰者直等龔黃惟於邑乘則有未修之憾焉今雖倦而思歸故猶以續編屏志爲兢兢而其謀於署任之敬公者以其爲上江和州之名進士其於史乘素所熟諳者也由是志同道合後先濟美諭令衿士等互相搜討而其志於是乎成余教習龍湖囑之爲序披覽二十餘年官秩推遷益煥絲綸之色科名屢舉大開文運之隆而且幽潛之善士賢能之淑媛用以訓來茲而光前哲其有得於化民成俗之治與前編甯有異哉吾於張與金敬三公不禁長言詠歌之矣自茲以往繼繼承承嗣徽音於不墜續方策以常新是又屏邑之慶而三公

屏山縣續志

卷首原序

二

文華印字館代印

之所厚望也夫時嘉慶五年秋八月宜賓趙士愷拜撰

屏山縣續志卷首

凡例

一續志與修志不同修則刊落舊乘筆削由我續則凡舊志所載者不錄似因非因故下筆較難

一凡事得已不已與不得已而已之均於義有失舊志閱百二十年版片俱全體例周備似未便削落沒前人所長然再爾因循令百年來事蹟仍復就湮則吾豈敢

一作志必採訪探討乃昭慎重茲編以成之速於山川地理道路率得諸悠悠之口未盡可據言亦不雅馴然輿誦孺歌義竊有取

一舊志分八卷茲編以上下二卷概之一表一志仿班漢之例於縣事搜羅雖未盡淨而所遺諒必無多體例似更簡切

一作志必徵文攷獻乃能典核縣署案卷多失檢郊廟碑碣率磨滅不彰邑中一二淹雅君子復少撰述故吉光片羽掇拾爲難識者諒之

一茲編凡舊志所有者不錄以職官選舉士女通宜列表故以舊志所載附入而不註其

屏山縣續志

卷首

凡例

三

文華印字館代印

註者則爲續編以清眉目間有列入舊志表而亦註者則爲新附復加按語指實所據又祠祭志亦將舊志所載寺觀列入通算者以鄉間傳說今古異名恐有沓復故備計之山水志逐加按語意亦如此

一茲編擡頭格式體例與舊志不同各有所本不願盡拾牙慧且以記序文附註各志下綱舉目張易於省覽間亦附載已箸藉資潤色亦以紀事

一茲編士女表宦績志率照府志及縣志稿採入其品評足爲定論未遑深究間有附麗過實者亦善善從長之義至德政碑據事直書取文取人兩無成見藝文則收採較夥隨景題詠亦足表章風土故奚囊佳句賞識彌多

一茲編賦役志於應征應解攤捐各款及倉儲公項存目並學校志膏火賓興等類紀載獨詳又於邊防事蹟條列周匝俾留心邑事者便於檢閱

一茲編倉猝以就未能愜心貴當於縣中事宜掛漏必多故將張前縣所採志稿二十餘卷仍封存禮房以備參訂有博雅君子如武威張公介侯者起而針砭之或纂合之則邑雖邊徼史乘雅有可觀

屏山縣續志纂修銜名

總纂

賜進士出身同知銜升授濟州知州現任屏山縣知縣張九章

分輯

黔

江

縣

拔

貢陳藩垣

邑

廩

貢

生聶培庠

校閱

屏

山

縣

學

教

諭陳兆熊

屏

山

縣

學

訓

導朱文光

邑

舉

人彭漢卿

邑

舉

人聶培蔭

邑

舉

人徐文潔

邑

舉

人聶文熙

屏山縣續志

卷首 銜名

四

文華印字館代印

邑

副

貢聶培樹

邑

歲

貢聶培恩

邑

恩

貢聶培惺

邑

歲

貢聶培中

邑

庠

生王煥新

同修

屏

山

縣

巡

檢王長清

屏

山

縣

典

史韓永聰

參訂兼謄錄

邑

廩

生聶炳惠

邑

增

生聶繩熙

邑

監

生聶炳旻

屏山縣續志目錄

卷首

序

凡例

修志銜名

卷上

表

沿革

職官附宦

選舉

士女

卷下

志

輿地沿革形勝

里路古蹟

場市山水

營建城垣道路

公署碑坊

關梁

賦役戶口倉儲

征解義舉

領支

屏山縣續志

卷首目錄

五

文華印字館代印

祠祭 大祀中祀 羣祀私祀 附祀

學校規條 膏火

賓興卷給

義學

武備兵制 礮寨

汛塘軍事

營堡夷務

藝文附雜志